



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lvitprandi Ticinensis Diaconi Opvscvlvm, De Vitis Romanorvm Pontificvm

Liutprandus <Cremonensis>

Mogvntiae, 1602

XLVI. S. Sixtvs. III.

urn:nbn:de:hbz:466:1-11115

A C C C C X X X I I

S. SIXTVS. III.

*Vide tom. 1.
Concil. pag.
703.*

SIXTVS tertius, natione Romanus, ex patre Sixto, sedit annos 8. menses 8. dies 19. Hic ordinavit Episcopos 52. presbyteros 18. diaconos 12. Hic quia Epiphanium quendam nobilem, quem Bassus ex consul ingenuitate & prædiis propriis priuare nitebatur, apud Valentinianum Augustum adeo iuuit, ut vtrumque eius munitus chirographo retineret, à prædicto Basso & Mariniano, cui prædictus Pontifex prædium negauerat, quod Crescentius in Sicilia Romanæ Ecclesiæ dederat, apud Augustum Valentinianum accusatus, quod Chryso gonam quandam consecratam stuprasset: & tantum inde Augustus & mater eius accensi sunt, ut à supradicti Pontificis communione & magna pars populi cum eis se suspenderent. Quapropter Valentinianus Augustus prædicti Pontificis auctoritate Synodum congregari iussit, in qua, licet aliter euadere posset, fugere volens suspicionem, coram quinquaginta sex Episcopis se expurgauit. Nec ideo se expurgauit, sed ut aliis per hoc, qui noluerint, formam & exemplum daret, cum ex scripto & ordine Synodali constet illum debere crimen probare, qui obiicit, & qui non probanda detulerit, iacturam se sustinere intelligat. Bassus vero à prædicta Synodo est damnatus, & à Valentiniano Augusto præscriptus.

** epist. 1.*

*Vide tom. 1.
Concil. pag.
705.*

Hic Orientalibus Episcopis direxit^a epistolam, in qua eis rescribit, à quo & qualiter prædictum iurgium contra eum sit excitatum, & quo & quali fine sit terminatum, adiiciens in eadem epistola multa, quibus Episcopi de reliquo muniti iniustas oppositiones, & malignorum accusationes securè reiicere valeant: quæ idcirco hic non inserimus, quia superius eadem persæpè adnotata esse meminimus. Prædicti Papæ temporibus erat Hierosolymæ quidam Episcopus, nomine Polychronius, qui imprudentia senectutis in superbiam ductus se vniuersalem Pontificem esse affirmabat, qui clericos de quacunque prouincia ad se venientes inconsideratè, & non sine precio Leuitas & sacerdotes ordinabat. nec Episcopum quemlibet absque digno munere consecrabat: & si ad Ecclesiam illius regionis rogaretur consecrandam non dabat auctoritatis suæ faculam, nisi decem auri libras accepisset in remunerationem. Unde Sixtus Papa Romæ Synodum 8. Episcoporum congregauit, & Euphemium Episcopum, qui Polychronium de prædictis infama-

uerat,

uerat, vt eadem coram omnibus fateretur, introduxit. Quo facto, tres Episcopos, totidemque presbyteros, & duos diaconos electos, Hierosolymam miserunt. Qui congregatis illius regionis *Episco- *76.
pis, & introductis 40. testibus, qui iuxta Euphemij accusationem omnia comprobarunt vera esse de Polychronio, ipsum Polychronium damnarunt, & Euphemium etiam, ideo, quia ipse Pontificem suum accusauerat, qui eum consecrauerat. Sed Polychronius postea propter compassionem & eleemosynam, quam ciuibus suis obsessis erogauerat, reuocatus & restitutus est à Sixto in pristinam sedem.

XLVII.

S. LEO. I.

A. ccccxl.

LEO natione Tuscus, ex patre Quintiano, sedit annos 21. mensum 1. dies 13. Hic ordinauit *185. Episcopos, presbyteros autem 81. diaconos 31. Hic sceliciter obiit 4. Idus April. Hic a epistolam destinauit vniuersis Episcopis per Campaniam, & in vniuersis prouinciis constitutis, in qua multa prohibuit, quæ & antecessores suos prohibuisse sæpe supra meminimus. Videlicet præcepit, ne illi, qui à Dominis suis libertatem consequi minimè potuerunt, & qui etiam originali alicui conditioni alligati sunt, ad sacerdotii fastigium non prouehantur, nisi forte eorum petitio aut voluntas accesserit, qui aliquid in eos sibi vendicant potestatis. Iubet etiam Apostolicæ sedis auctoritate ab Ecclesiasticis officiis, & sacerdotali nomine arceri, si qui ex viduarum maritis, aut quibus fuerint numerosa coniugia sunt admissi. Decernit acriter vindicandum esse in eos clericos, qui vsurariam pecuniam exercent, & in scenore ditescere quærunt: commonens etiam illud, vt sicut non suo, ita non ex alieno nomine aliquis clericorum eiicere scenus attentet, quia indecens est crimen suum commodis alienis impendere.

ITEM in alia^b, quam vniuersis Italiae Episcopis scripsit, vt diligenter Manichæos studeant circumquaque inuestigare, & à plebibus sibi commissis separare mandauit. Scripsit etiam omnibus Episcopis^c per Siciliam constitutis epistolam, in qua arguit eos, qui in sacramento illo, quod inter cætera Ecclesiæ sacramenta principale est, id est, in Baptismo à Romanæ Ecclesiæ consuetudine discrepabant, ita vt baptismi sacramentum numerosius in die Epiphaniæ, quàm in Paschali tempore celebrarent, nullam differentiam credentes esse inter diem, qua Christus adoratur à Magis, & diem,

H

diem,